



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Ba sireletsa
borena**

2

**Ba e tšoela
ka mathe**

5

**E BA OTLA BOTSEKENG****Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

**<https://library.akello.co/downloads>****Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Tsela ea khale e'a tšepahala

Ba sireletsa borena

Nthabeleng Seitlheko

Bana ba Morena Peete e leng nta'a Morena Moshoeshe ka Mafumahali a hae; 'Malibe le 'Mamothuntšane ba re ba tšoenyehile ke pherekano e ntseng e jaloa kahar'a sechaba, mabapi le ho lata naha. Litaba tsena li hlaheletse 'mokeng oa bo-ralitaba ka la 21 Mphalane monongoaha. Morena Moorosi Mo-

ena kahar'a tokomane ea tlhopho-bocha hore na naha e latoe joang, eseng ka lisua.

Ho feta mona, Morena Lephoto Taoana o hlalositse hore morerong oa bohlabaphieo oa ho fetola Lesotho karoloana ea leshome ea Afrika Boroa, ho utloahala ho na le bapolutiki ba khahluoeng ke hona le ho butsoela lehloeo ho baahi ba Afrika Boroa khahlanong le Basotho ba phelang le ho

utloahala sepheo sa tsona e le ho hlokisa Basotho tšepo le lerato ho naha ea habo bona, e le hore merero ena e malimabe ea bona e tle e atlehe habonolo.

A re ha ba tla tabeng ea ho kopanngoa ha linaha tsena tse peli e le bana ba Morena Peete, 'me ntlha-kemo ea bona ke hore ha ho kamoo ba ka fetohang ntho e le 'ngoe le Naha ea Afrika Boroa, "haholo ha re ipapisale mabaka ao bapolutiki bana ba batlang kopanelo le boinehelo ho eona ba a tekang."

Ha Morena Bereng Makotoko a bontšitse hore Lesotho ha le'a futsaneha kaha



shoeshe o bontšitse ha maikutlong ana a pherekano ho hlahella lintlha tse akhang hore Lesotho le fetotse karoloana ea Naha ea Afrika Boroa, ka sepheo sa ho felisa naha ena eo Morena Moshoeshe le bahlabani ba hae ba e loanetseng ka thata, ho sireletsa boikemelo le boipuso ba eona.

Morena Moshoeshe o supile hore ho lata naha ka tsela e bohlasoa le ka bohoanka ke ho nyelisa metho ea khotso ea mothehi oa sechaba sena hobane Basotho ke baahi le hona libakeng tseo tse hapuoeng, 'me mahlomela a marena a liboko tse ling ka ho fapakanana e ntse e le marena a sechaba seo sa hae, hape le mabitso a libaka tse ngata e ntse e le a Sesotho.

O re ntlha-kemo ea bona e sa thekeseleng tabeng ena ke hore Basotho ba supile tsela ea ho atamela taba

sebetse naheng eo. A re litlhoriso tse etsoang ho Basotho naheng ea boahelani li

le ntse le e-na le matla a ho ikemela le ho phelisa bohle ba kahare le kantle ho lona.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

**Official
WhatsApp
Channel**

and stay connected!



Fumana litaba tsa morao-rao, litsebiso, likhatiso le tse ling ka potlako ka menoana feela!



WhatsApp: 6260 0983

www.moeletsiobasotho.co.ls



Hangata bophelong batho ke liphoofolo tse shebang mefokolo ea motho ho feta lintho tse ntle tseo a li etsang, hoo ntho e mpe e le 'ngoe e ka koahelang tse lekholo tse ntle. Leha ho joalo, bahoebi ke bana ba tlotla le ho babatsa Setsi sa Pokello ea Lekhetso Lesotho (RSL) ka ho bebofatsa le ho ntlafatsa litšebeliso tsa sona. Ba supa hore ha joale ba se ke ba ka etsa tsohle ba le malapeng koana kapa ba iphethela mabaka a mang a fapakaneng ba sa hloke ho tla fola nako e telele lifising tsa setsi. Kaha ho se tsela e se nang moepa ba tobana le qholotso ea hore marang-rang ka nako e 'ngoe a na le ho oela ebe joale ba sitoa ho etsa mosebetsi.

Ka lehlakoreng le leng, ba kopile le ho ipiletsa ho setsi ho kena sechabeng ho fana ka thuto hobane bahoebi ba bang ha ba tsebe letho ka marang-rang etsoe a sokolisa haholo bathong ba seng ba holile. Ho feta moo ehilile batho ba bangata ba ntse ba e-s'o tlohe mokhoeng oa pampiri kaha ba re tsela ea khale eona e'a tšepahala ebile e ke ke ea u phoqa. Lebaka la bona ke hore botsotsi bo bongata haholo marang-rang mona joale ba qoba ho lahlehela ke lichelete tseo ba li sebelelitseng kathata nyene le bosiu.

Setsi se bontšitse kannete se tla arabela tlhoko ena ea ho rupela sechaba kaha ba e-na le koloi e reretsoeng hona ho phethahatsa morero ona. Hape le bahlanka ba sona ba teng kamehla ho tataisa sechaba le ho tsoarana le sona ka letsoho ho tsamaea 'moho. RSL e boetse ea leboha sechaba ka mameello ea sona ka sehlahisoa sena se ba nkileng nako e telele haholo e le khale ba kopile ntlafatso.

Sehlahisoa sena se lumella motho ho etsa kopo ea ho khutlisetsoa chelete (online refund process), 'me bahlanka ba RSL ba hlokomelitsa sechaba hore motho o lokela ho sebelisa litokomane tseo a ileng a li sebelisa pele ho qoba ho thulana le mathata. Ba bontša hape hore mathata a mang ao motho a ka thulanang le ona ke haeaba a ntse a e-na le mokitlane o itseng oa lekhetso. Sechaba se lokela ho tseba hore chelete ena e nka nako ho khutla ha se ntho ea hang-hang.

Ka ho hlokomela bofutsana le bofuma bo aparetseng Basotho Vitality Health (Pty) Ltd e tiile ka sehlahisoa se bitsoang Bophelosheleng Medical Scheme seo morero oa sona e leng ho khahlametsa Basotho bohle ba kojoana li mahetleng. Mookame-li o hlalosa hore Mosotho e mong le e mong o hloka ho fumana litšebeliso tse ntle tsa boleng tsa bophelong ho sa natsoe mae-mo, ke ka hona ba ileng ba rera ho thusa bohle ho li fumana ntle le tšokolo ea letho. Batho bana ba sebelitse haholo hobane ruri batho rea kula kantle ka mona ka lebaka la liqholotso tse ngata tsa bophelo; empa ho ka holimo ke tlhokahalo ea mosebetsi. Ho na le litlhoko tse ling tseo motho a ka li qhekellang, empa tsena tsa bophelo tsona ha ho ka mokhoa o mong ka hona sehlahisoa sena se hlile se bohlokoa haholo bophelong ba Basotho.

Beng ba sehlahisoa sena b'a pakahatsa hore ba na le lerato la mosebetsi oa mosebetsi, ha ba etsa khoebo feela ho phelisa malapa a bona. Ba tseba ho nahanela baji ba litšebeliso tsa bona haholo-holo bane ba kollang ntsi hanong. Taba ena ha se e tloaelehileng ho hang, ho bona motho a itela ho thusa ba bang le hoja ho hloka kaha motho a sa phele a le mong lefatšeng mona. Tšoarang joalo lona Basotho ba habo rona, le se ke la lahla tsela eno eo le tsamaeang ka eona hobane Morena o tla le ekeletsa tse ngata e le hore le tsebe ho thusa le meloko e tlang.

Bana ba Morena Peete ba ntšitse polelo mabapi le naha e latoang ea Lesotho le hore Lesotho e be ntho e le 'ngoe le Afrika Boroa. Ba supa ha taba ena ea ho kopanya linaha e le morero oa ba bang ba bapolutiki ba ntseng ba sotla Basotho ba lulang naheng ea boehelane ka sepheo sa hore ba hloee Lesotho ebe ba tšehetsa hore e kopane le ea boehelane. Ba re Lesotho ha le hloke ho kopana le naha eo hobane le ntse le na le mekhoe ea ho iketsetsa le ho iphelisa, ho feta moo hoo e tla be e le ho nyelisa matla a Morena Moshoeshe 'moho le bahlabani ba hae ba ileng ba loanela naha ena. Hona Afrika Boroa ba re ho na le marena a ntseng a sebelisa mabitso a Sesotho, a ntšetsang pele borena ba mothehi oa Basotho, ka lebaka lena hoo e tla ba ho tsoa tlaase merero ea Lepoqo.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)
(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

Lesotho le tšoara 'moka oa SADCOPAC

Nthabeleng Seithleko

Molula-Setulo oa Komiti ea Paramente e Alositseng Tšebeliso ea Lichelete tsa Sechaba (PAC), 'Machabana Lemphane Letsie o hlalosa hore paramente e na le likomiti tse ngata tse fapakaneng tseo e sebet-sang ka tsona, 'me kahar'a tsona ho na le PAC. Litaba tsena li hlaheletse 'mokeng oa bo-ralitaba, oa la 21 Mphalane monongoaha.

O re liparamenteng tse ngata tse tsamaisoang ka tsela eo Lesotho le tsamaisoang ka eona e leng West Minister likomiti tseo tsa PAC li teng, 'me o bontša hore ka selemo sa 2003 likomiti tsena li ile tsa ikeletsa ho theha mokhatlo oa Likomiti tsa li-PAC linaheng tse fapakaneng tsa SADC (SADCOPAC).



O re selemo le selemo mokhatlo ona o ba le kopa-no ho hlalellana ka malebela a tšebetso, ho buoa ka liqholotso le ho ithuta ka lintho tse ncha tse shebaneng le mosebetsi oa PAC.

A re ho tloha mokhatlo ona o thehiloe Lesotho le tla be le qala ho ba karolo 'mokeng oa bo-21, o tlii'o

tšoareloa Lesotho, 'me bo-emeli bo tlang bo hlaha linaheng tsa SADC, Afrika e Bophirima le e Leboea.

O supile hore 'moka o tla qala ka la 27 ho isa ho la 31 Mphalane 2025, ha baeti bona ba tli'a qalella ho fihla ka la 23 Mphalane monongoaha.

A re ke 'mokeng ona moo

ho tla buoa ka mahlale a macha a ka sebelisoang ho ntlafatsa mosebetsi oa PAC.

A re qholotso ea nako e fetileng e ne e le hore PAC ea hae mona ke ntja e bohlang feela, 'me matsatsing ana qholotso e kholo ke bohloko ha e qalella ho loma, joale h'a sa tseba hore na sechaba se batla

ha PAC e loma kapa ho et-sahale joang.

O re ba tli'o sheba hape litaba tsa lichelete tsa bafani tse fuoang mekhatlo e ikemetseng ka lebitso la Basotho, 'me ba tli'o qoqa hore na seabo sa paramente e be sefe litabeng tseo ka le reng mekhatlo e kopa lichelete ka lebitso la sechaba ebe ha e sebeletse sechaba ka lichelete tseo.

H'a phethela o itse ke hona sebakeng sena moo, maparamente a tla thakelana ka malebela ho hlalellana ka melao ea linaha tse fapakaneng, e thusang hore li-PAC tsa tsona li be le meno, ho fana ka litlaleho tsa mosebetsi o seng o entsoe le liqholotso.

A re o motlotlo ho ba karolo ea 'moka ona kaha a lumela hore o tli'o ntlafatsa tšebetso ea bona e le PAC Lesotho.

'Machabana 'mokeng ona o emetse Naha ea Lesotho e le Motlatsi oa Mongoli Komiting e Tsamaisang Mokhatlo.

IEC e'a itšola

Nthabeleng Seithleko

Komisi e lke-metseng ea Likhetho (IEC), e hlalosa hore ho na le mekha le makhotla a lipolotiki a robong a bonahalang a sa ikobe le molao oa mekha le makhotla, 'me a mathuleng a ho hlakoloa e bang a tsoelapele ho se ikobe lepehelo. Litaba tsena li hlaheletse 'mokeng oa bo-ralitaba, oa la 21 Mphalane monongoaha.

IEC e hlalosa hore selemo le selemo e lekola hore na mekha le makhotla a ntse a ikobela molao, 'me e sa ikobeleng eona e'a hlakoloa. E re ho tloha ka khoeli ea Pherekhong selemong sena e ile ea kopa mekha le makhotla ho fana ka manane a litho tsa ona.

E supa hore motho ke setho ka ho lefa botho 'me e lokela ebe Mosotho ea lilemo li 18, le hore na Basotho bao ba teng lenaneng la bakhethi, 'me o re ba nka

10% ea batho ba joalo ho ea ikholisa hore Bosotho.

Komisi e netefatsa sena ka hore na setho se feela se tseba ka mokha kapa lekhotla le joalo le hore lekhotla kapa mokha o fane bopaki ba hore setho se itseng se ntša botho.

E re ha e ntse e etsa liphuputso tsena, ho na le mekha kapa makhotla sa ikobeleng lipehelo tseo tsa molao, 'me kahar'a a teng ho na le a robong a ka 'na hlakoloa neng kapa neng.

Komisi e tli'o fa mekha kapa makhotla a joalo mangolo a lemosang ka litaba tsena 'me e bang ba sa ikobe le molao li tli'a hlakoloa. Le ha ho le joalo, IEC e itse e ke ea phanyaola makhotla kapa mekha e joalo pele e ka li nehela mangolo.

Ka le hlakoreng le leng e ile ea hlakisa mosebetsi oa komisi kamor'a hore e fumane letoto la lipotso ho hlaha litsing tse fapakaneng tsa bophatlalatsi ka litaba tsa khiri ea likomishinara. E hlalositse hore likomishinara

ra tse tšebetsong nako ea tsona e fihla pheletsong ka khoeli ea Tšitoe monongoaha.

Raliphatlatlatso oa IEC 'Marafaele Mohloboli, o hlalositse hore ba bitsitse 'moka ona ho tla hlakisa litaba tsa komisi malebana le tšebetso e ntseng e tsoelapele ea khetho ea likomishinara, 'me a bontša hore tšebetso e joalo ha se ea komisi.

A thatiselletsa hore IEC ha ho moo e chang e tšola, 'me tšebetso e ntseng

e tsoelapele ea khetho ea likomishinara ha se ea IEC, ka hona hoa fosahala hore ebe lipotso li ntse li lebisoa ho eona. O re e le IEC ba ntse ba eme holim'a boitlamo ba bona ba boikemelo, ponaletso le ho hloka leeme ha ba ea ba shebane le taba ea bakhethi ba naha ena.

O re le ha ho le joalo, komisi e na le boikarabello ba ho bona hore e ruta bakhethi ka tšebetso efe kapa efe e amanang le likhetho. O re ho bonahala taba ena e ka e tla ba bakela bolutu kaha ba

bang ba bapolotiki ba hloma eka komisi e batla ho itšunya litabeng tseo tsa khetho, empa ke boikarabello ba bapolotiki.

Ka lehlakoreng le leng Komisi e bontša hore ho na le likheo makhotleng a mathomo, 'me ke likheo tse robeli kaofela.

Ka hoo, Lehlohonolo Suping ho hlaha Ofising ea Molao, o bontšitse hore ba phatlalatsa likheo tsena e le hore bao e bang ha ba e-s'o tlalehe sekheo ba hle ba itlahanele.



MOELETSI O TŠEHETSA BACHA



Tšeliso Thakholi

Leha bacha ba bangata ba bonahala ba tjametsoe ke liqholotso tse ngata tsa mafu a sa pheko-leheng le legeme le hanang ho ea moriting la tlhokahalo ea mesebetsi. Ka litšehetso tseo bacha ba ntseng ba li fumana ho tsoa mekhatlong ea machaba le 'muso ka lenane la bacha le bitsoang Sebatatso; ho na le ba ikemiselitse ho itšoarela ka matsoho sebakeng sa ho ithehela likhoebo tse nyenyane, ka morero oa ho iphelisa le ho phelisa malapa a habo bona. Har'a ba bang ba bacha ba ithom-meng pele ka khoebo e hlahisang lijo tse bolokiloeng ka libotlolong tse kang jeme ka mefuta, liperekisi, green beans, achar le motoho o monate ke Thato Ramo-soang. Khoebo ena e fetotse bophelo ba hae haholo, kaha e mo thusa ho iphelisa le ho phelisa lelapa labo.

MORERO OA HAE

Morero oa ka ha ke qeta ho

etsa Foromo ea Bohlano e ne e le ho ea etsa botichere, empa e itse ha ke hlokomela hore mesebetsi ha e eo, ke ha ke tla qala pele ka ho sebetsana le ho hlahisa jeme ka mefuta eohle ea eona. Ke boetse ke hlahisa motoho o lutilsang mathe. Hape re hlahisa achar ka litholoana tse kang banana, liapole le lipere. Ke qalile mosebetsi ona ha ke qeta ho ngola Foromo ea Bohlano, ke o rutoa ke 'mangoane oa ka kaha ke hotse a se a ntse a e-na le khoebo ea ho hlahisa motoho a bile a rekisa le bohobe ba maqebekoane le liphaphatha. O ile a mpha malebela ka litsebo tsohle tse hloka-halang sebakeng sa ho etsa lihlahisoa tse kang motoho, achar le jeme. Ke ha ke tla qala ho rata khoebo, 'me ka ba ka hlokomela hore taba ea botichere e ne e hlile e se pitso ea ka empa thomo ea ka ke khoebo. **KHOLONG EA HAE** Hantle-ntle kholong ea ka haesale ke rata botichere kaha bophelong ba batsoali ba ka ba ne ba hlile ba rata

ha ke e-ba tichere. Ke hopola hantle hore ka linako tse ling ha ke bapala le bana ba bang 'mantloaneng, ke ne ke atisa ho ba tichere ke rute bana ba ka ba sekolo. Empa lintho li ile tsa fetoha kamor'a hore Morena Moli-mo a biletse batsoali ba ka ho eena. Ha qala ho ba boima hoo e itseng ha ke qeta ho phethela lithuto tsa ka tsa Sekolo se Phahameng, ka tlameha ho iphumana ke e-na le khoebo molemong oa ho iphelisa. Ke bile ke utloa ke sa batle le ho hiroa ho hang ke batla ho ithlahiset-sa mefuta e fapakaneng ea likhoebo. **TŠUSUMETSO** Ke susumelitsoe ke lara-to leo 'mangoane oa ka a ratang khoebo ea hae ea tlhahiso ea motoho ka lona. Ke eena ea ileng a nkenya moea oa ho rata mosebetsi oa ho hlahisa jeme le motoho. Ho feta mona, taba-tabelo ea ka e kholo ke hore ka letsatsi le leng ke batla ho sebeletsa hore ke be mohoebi e moholo ea hlahisang jeme, motoho le achar. Hape ke batla ho

bona ha khoebo ena e hola, ke ba ke iphumana ke hirile bacha ba bangata ba ntseng ba sokola mekhoha ea ho iphelisa. Ha joale ke sebetsa le bacha ba bahlano ba nako eohle. **LIQHOLOTSO** Liqholotso li ngata tseo motho a kopanang le tsona, kaha ea pele ke hore lihlahisoa tsa rona ha li e-s'o be teng ka bongata kahar'a mabankete le likhoebo tse kholo. Re sa ntse re e-na le likhoebo tse fokolang haholo tse rekisang lihlahisoa tsa rona. Batho bao re ba fang ka mekitlane ba lieha ho lefa hoo ka nako e 'ngoe re ee re qetelle re fokolitse tlhahiso ka lebaka la khaello ea lichelete. Qholotso e 'ngoe e kholo ke ha ka nako e 'ngoe khoebo e sa tsamae hantle, ebe joale re se re ntse re ipotsa hore na re tla etsa joang hoba lijo tsena li na le ho sala li ntse li le ngata. Empa ntho e kholo e re fang matla ha ho le thata ke hore re batla ho phethahat-sa toro ea rona ea hore ka letsatsi le leng, re be re le

bahoebi ba baholo. Re batla ho phethahatsa toro eo. E kholo-kholo ke hore matla rea nka ho ea holimo-limo eena ea re bopileng e leng 'Mopi oa rona, hoba ke ka mohau oa hae re ntseng re phela, le likhoebo tsa rona li ntseng li hola leha ho le boima. **KELETSO HO BACHA** Sebakeng sa bacha ba ka ratang ho ba le khoebo ea mofuta ofe kapa ofe ba tsebe hore ha se ntho e bobebe joalokaha batho ba nahana hore e joalo ha ba e shebile ka mahlo feela. Khoebo e hloka motho ea nang le lerato, mamello le boikitlaetso bo boholo. E hloka mamello e ngata, e se ke ea e ba feela hore motho o shebile chelete eaba o se a bula khoebo a sa sheba ka nqane hore na litlam-orao ke life. Ntlha e 'ngoe ea bohlokoa ke hore ho hloka-hala bacha ba nang le boitelo e le hore ba se nyahame kapele ha lintho li sa tsamae hantle. Kenang sekolo le ithute mesebetsi ea matsoho e seng ho tšepeloa ho hiroa.

Lesotho le se itheke moralo

Nthabeleng Seithheko

Motlatsi oa Mot-samaisi oa Lipuisano ka Lekhotleng la Sechaba, Mohlomphehi Tšepang Tšita Mosena, o re Naha ea Lesotho ke naha e ntle haholo, ka hona o khothalletsa hore bohle ba tšoarane ka matsoho hore e ithomme pele e be eona sebaka sa mantlha Afrika ka moka le bohahlauli. O boletse tsena puisanong le Koranta ka la 21 Mphalane monongoaha.

"Ha re lokele ho koma-koma kamehla empa ho na le likatleho tse ngata tseo re ka li thoholetsang, tseo Naha ea Lesotho e ithomang pele ka tsona." Ke Mosena eo. O re e 'ngoe e nang le litšebeliso tse hohelang bahahlauli ke ho thellelisa lehloeng Afri Ski.

"Naha e eteloang e hola moruong, e ntlafala phanong ea litšebeliso le hore sechaba sa naha e joalo se tla ka mahlale a ka thusang ho tsebahatsa naha." O tsoelapele.



A re o lumela hore bacha ba lokela ho ntlafatsa tšebeliso ea bona ea marang-rang ho ikhaha le ho hlahisa litalenta tseo ba nang le tsona.

O bile a bontša hore Naha ea China e na le "sand skiing tourism" thabeng ea Dunhuang, provinsing ea Gansu

e hohelang lichaba-chaba, 'me o re e na le lintho tse ngata tse tšoanang le tsa lithaba tsa Lesotho.

Ho sa le joalo, o re na ke lintho life tseka hohelang machaba tse teng literekeng tsa Lesotho ka ho fapakana le tse ka ntlafatsoang bakeng sa bohahlauli le ho

holisa moruo oa naha.

O itse o bile Naheng ea China boithutong bo tebileng ba naha eo, 'me o re o na le leseli la tsamaiso ea naha eo, tsoelopele ea eona e sekhahla, mekhoha le litloaelo tsa eona, likamano tsa eona le lefaatše, chebelo-pele ea eona mabapi le

phelisano ea lichaba har'a tse ling.

Ntlo ea boemeli ba China Lesotho, e phaphathile Mosena ka boithuto boo a bileng le bona China ketelong ea hae, le ho tsebahatsa libaka tsa bohlokoa tsa naha eo kahar'a Naha ea Lesotho.

Ba e tšoela ka mathe

Tšeliso Thakholi

Baetapele ba sechaba ba kenyeletsang marena, makanselara, sepolesa le bahlanka bohle ba Kampani ea Lesotho ea Motlakase (LEC), ba tšoetse ka mathe liketso tse soto tsa tšenyoo ea thepa ea LEC ea ho khaoloa ha lipalo tsa motlakase ka lonyo le ka bokhopo, e entsoeng ke litlokotsebe tse sa tsejoeng motseng oa Tloutle, e qetelletseng e bakile ho khaoha ha motlakase sebakeng seo. Tsena li hlahile kapel'a sechaba pitsong e bileng Lebaleng la Sekolo sa Mathomo sa Tloutle, Roma ka la 22 Mphalane 2025.

Setho sa Sepolesa se ikarabellang toantšong ea litlolo tsa molao kahare ho

LEC, S/Inspector Moseli Moseli o boletse hore botloli ba molao bo ba tšoenyang e le sepolesa kahare ho LEC bo etsoa ke bahlanka, 'me ka nako e 'ngoe ba sebetse 'moho le sechaba. A re kaje-no ba tšoenngo ke tlolo ea molao ea tšenyoo ea thepa ea LEC ea ho khaoloa ha lipalo tsa motlakase.

"Na beng ba liketso tsee tse soto ba utloisisa hore na ba ka baka likotsi tse kae ka seo ba se entseng? Hoba motlakase o kotsi haholo." A rialo a bile a eketsa ka hore litaba tsa mofuta ona ho tla fihla moo qetellong LEC e se nang ho lokisa tšenyoo mahala joakaha e ntse etsa hajoale, 'me e seng e tla ba boikarabello ba motho ka mong ea senyelitsoeng kapa sona sechaba.

A tšoela ka mathe tšenyoo ea thepa ea LEC, 'me a hlokomelisa sechaba hore e se hlote e ipheta hape. A bolella sechaba hore ba hloka ho fumana beng ba liketso tsena, e le hore litaba tsena li se hlote li ipheta hape, ba tsebe ho nka likhato tsa molao ka bona.

L/SGT Sefora Tšoanyane ho hlaha Ofising ea Mafokisi ea Roma o ipilelitse ho sechaba sohle ho fana ka menyenetsi, e tla thusa hore ho qetelle ho fumano e babelaelloa ba liketso tsena

tse malimabe. A re tšenyoo ena e tla isa moo sechaba se tlang ho qetella se khaoletsoe motlakase bophelo bohle ba sona. A re ha motlakase o ka qetella o se o le sieo litlolo tsa molao li tlii'o ba ngata ka lebaka la lefifi. A ipiletsa ho sechaba ho baballa le ho sireletsa lintlafatso tsohle tseo ba li etsetsoang ke 'muso.

Haele Mokhethoa oa Puso ea Libaka oa Tloutle, Monghali Thabo Lefuma o itse motlakase ke tlhoko ea mantlha ea bophelo ba sechaba, 'me bohle ba tlameha ho sebetse ka thata hore ba o hlokomele. "Nahanang ha re qeta ho kenyetsoa motlakase ka lerato ebe litlokotsebe li'a fihla li o khaola ka bokhopo bohle. Re kopa beng ba liketso tsena ba hlahelle, 'me re tlii'o sebetse ka thata hore re tle re qetelle re ba fumane." A rialo a bile a hlokomelisa sechaba ho ema ka maoto ho sireletsa thepa ena ea bohlokoa bophelong ba sona.

Athe Morena Tanki Nkaleche o tiisitse hore liketso tsa mofuta ona a ke a li mamella ho hang, 'me sechaba se tšoarane ka matsoho le sepolesa ho fumana likotlotsebe tsena. A re seo a se hlohang ke ho bona sechaba se phela ka

khotso; ka hona bohle ba eme ka maoto ho fumana



beng ba liketso tsena pele beke ena e fela ba be ba fumano e ba tsebe ho tšoaroe le ho nehelanoa ka bona sepoleseng.

Mongoli oa Mokhethoa Mofumahali 'Mafelleng Mapetja o ipilelitse ho sechaba ho se lumelle litloli tsa molao hore li tle li qetelle li ba hlolisitse ho fumana lintlafatso kahare ho sebaka sa habo bona. A re mokhethoa o utloile bohloko haholo ke ketsahalo ena, kaha a ne a se a ntse a le morerong oa ho tla ba kopela ho fuoa phepelo ea metsi. "O tla re thusa joang re senya lintlafatso?" Ho botsa Mapetja a bile a kopa sechaba ho loma

sepolesa tsebe ka baetsi ba liketso tsena.

Bahlanka bohle ba LEC ba bileng teng pitsong ena ba bile ntsoeleng ho hlokome-lisa sechaba hore ke la ho

qetela ba e-tla koano Tloutle ka liketso tsa mofuta ona, 'me ha li ka ipheta hape ba tla koaloa motlakase bophelo bohle ba sechaba kaha ba kena litšenyehelong tse boima tsa ho boela ba lokisa le ho khutlisa motlakase hape. Le bona ba hlokome-lisa sechaba hore ba fane ka menyenetsi e tlang ho lebisa ho tšoaroe ha babelaelloa ba liketso tsena tse khopo. Ba re tšenyoo e bakiloeng ke ketsahalo ena e jele chelete e kaalo ka M35,000.00, e ka beng e sebelisoa ho ntlafatsa bophelo ba sechaba ka ho hokela motlakase libakeng tse ling.



Melele e hlasetsoe ke bokakachelana



Nthabeleng Seitlheko

Ka sepheo sa ho kenya letsoho litabeng tsa phepo e ntlafetseng ea bana le khole e nepahetseng, 'Muso oa Lesotho ka tšebetso ea lichelete ea Banka ea Lefatše le thakhotse mokhahlelo oa boraro oa ho koetlisa bahlanka mabapi le litaba tsa phepo e nepahetseng. Litaba tsena li bile ka la 22 Mphalane monongoaha.

Morero ona o tlo etsa boithuto ka phepo e nepahetseng, eleng Lesotho Nutrition and Health Systems strengthening Project End-line survey (LNHSSELS).

Letona la Bophelo, Mohlomphehi Selibe Mochoboroane o hlalositse hore sena se tla kamora

hore lekala le be le morero oa lilemo tse hlano tsa ho loantša bokakachelana. O re mokhahlelo oa pele ebile oa ho bua le Bangoli ba Baholo ba Lireke, marena, makanselara le sechaba ka boithuto bona bo tlo etsoa, ha oa bobeli e bile ngoliso ea malapa.

Mokhahlelo oa boraro ke ona o neng o thakholoa ka la 19 Mphalane 2025, e leng oa ho koetlisa bahlanka ba tlo thusa lekala ho bokeletsa lipalo tlasa morero ea LNHSPP. O re lipalo tsena li tlo thusa lekala ho etsa meralo e nepahetseng molomong oa ho etsa sechaba se phetseng hantle 'meleng le kelellong le tšalo morao ea liphuputso tsa Lesotho Demographic Health Survey (LDHS) ea selemo sa 2014 le 2023.

A tsoelapele hore hona ho tla atlehisa phepo e ntle,

phano ea liente, le ho qoba mathata a hlahelang basali ka nako eo ba lebeletseng le ho felisa bokakachelana baneng. A re hape khahello e teng sebakeng sa ho etsa ngoana ea phetseng hantle 'meleng le kelellong.

Ho sa le joalo, tlaleho ea 2014 ea palo ea bokakachelana e ile ea fapakana ka lireke 'me sa Mokhotlong se ne se e-na le 48 %. Ho latela leqephe la Food & Nutrition Security Strategy (2019); lireke tse kang Mokhotlong 47.7 % le Thaba-Tseka 40 % e ne e le tsa maemo a phahameng.

Karolong ea morao ea boithuto bo bocha ea 2023-24 e supa ha Qacha's Nek e etella pele ka 47.9 % ea bokakachelana. Lireke tse ling tsa Thaba-Tseka 46.3 %, Mohale's Hoek 44.7 % le Quthing 38.8 %.

Validity e koala lekhalo

Nthabeleng Seitlheko

Ele ho ntlafat-sa phano ea litšebetso tsa bophelo, Validity Health (Pty) Ltd e thakhotse sehlahisoa se bitsoang Bophelosheleng Medical Scheme se reretsoeng hore litšebetso tsa bophelo ebe tsa boleng bo botle 'me li fihlelle Basotho bohle. Tse-na li bile ka la 21 Mphalane monongoaha.

Mookameli oa Validity Health, Semethe Philemon Raleche o itse sehlahisoa sena ke mohato o moholo oa ho koala lekhalo la tlhokomelo ea bophelo bo botle Lesotho, moo a itseng ke karolo ea 1.3% feela, ea ba-

ba nang le tse sa fihleleng litlhoko tsa bona tsohle tsa bophelo bo botle.

O tsoetsepele hore Leano lena le fana ka melemo e mengata e kenyelletsang ea pele mokuli a ka amoheloa sepetlele, tlhokomelo ea letsatsi le letsatsi, 'moho le mananeo a felletseng a tlhokomelo sepetlele a shebaneng le tlhokomelo ea bophelo bo botle.

A re le boetse le etselitsoe ho sebeletsa batho ka bomong, malapa le likhoebo ka ho koala lekhalo lipakeng tsa litšebetso tsa bophelo bo botle Litsing tsa Bophelo tsa 'muso le tse ikemetseng.

Ho sa 4le joalo, Validity Health e boetse e sebelisana le bafani ba litšebetso tsa bophelo ba tšepahalang Lesotho, Afrika Boroa le India ho netefatsa hore litho li fumana litšebetso tsa



tho ba nang le lipolokelo ea bophelo (medical insurance cover).

A re sehlahisoa sena sa ha se feela leano la bophelo, e boela e le mohato oa teka-tekano ea bophelo, o reretsoeng ho matlafatsa Basotho ba se nang lipolokelo tsa bophelo le



WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

PRINTING WORKS (Pty) Ltd

Prepare good People for The Lord

Bahoebi ba thoholetsa RSL



Nthabeleng Seitlheko

Presidente ea Mokhatlo oa Lijo le Lino (LLROA) ebile e le Mookameli-Kakaretso oa Mokhatlo oa Bahoebi Maseru (MCCI), Motseki Nkeane o thoholelitse Setsi sa Pokello ea Lekhetso Lesotho (RSL) ka ntlafalo ea phano ea litšebeliso tsa marang-rang. O boletse tsena pušanong le Koranta ka la 22 Mphalane monongoaha.

O re phano ena ea litšebeliso ka marang-rang e ba nolofalelitse bophelo le mokhoa oa khoebo e tsamaeang ha bonolo ka ho se iphumane ba folletse litšebeliso kaha ba atleha ho etsa mesebetsi eohle ba le malapeng kapa ba ntse ba etsa mesebetsi e meng ka ho fapakana.

O bontšitse hore qholotso e kholo e tjametseng bahoebi ba bang ke ho hloka tsebo ea tšebeliso ea marang-rang 'me seo se etsa hore ba salle morao, sebakeng sa ho lefa lekhetho haholo ha ho sebelisoa marang-rang.

O re RSL e lokela ho kena ka matla leetong la ho fana ka thuto ho bahoebi e le hore ba tsamaisane leeto le tsoanang. A re e 'ngoe hape ke qholotso ea marang-rang a lulang

a putlama khafetsa le ho sitoa ho fumana tokomane e pakang ha motho a lefile ka marang-rang e leng se et-

litšebeliso e thakhole morero o mocha oa tefo ea chelete e lefiloeng ke baji ba litšebeliso (online refund process) ka



sang hore ka linako tse ling ba sitoe ho fumana litšebeliso hobane ho thoe ha b'a lefa. A ipiletsa ho RSL nako le nako e tataise bahoebi e le ho ba beha leseling ka liphetoho tse teng.

H'a phethela o itse mokhatlong oa bona ba etsa tšalo morao ea ho bona hore bahoebi ba boloka molao le ho lefa lekhetho ka nako ho ba qobisa ho tsoaroa. A re ba sebetse ka matla ho bona hore ba hlahloba le libaka tseo bahoebi ba sebeletsang ho tsona ho bona hore ke tse nepahetseng.

Litaba tsena li latela hore ka sepheo sa ho ntlafatsa phano ea

bona li'a arajoa. O re lilemong tse ngata esale ba tsepamisitse maikutlo ho bona hore sechaba se fumana litšebeliso tsa boleng hape ba bone hore li'a atleha.

O re ba hloka ho bona 'Online Refund Process' e ba le ponaletso le ntlafalo ea tšireletso. O re ba arabela moralo oa bona oa litaba tsa ntlafalo ea marang-rang le ho khothaletsa botšephehi ho balefi ba lekhetho, e tsamaea 'moho le maa-no a bona.

A re ba lokela ho fumana litšebeliso ha bonolo, ka hore haeba motho a hloka ho khutlisetsa chelete ho se be tšitiso ea letho. O re ba hlokometse hore balefi

sona ho bona hore bao b'a thusoa ho sebelisoa kolo ea bona ea 'mobile office.'

Ho feta mona o itse basebetsi ba teng ba tla thusa sechaba hore se qetelle se etsa mosebetsi. O re ba tla leka ka hohle ho arabelela litlhoko tsa sechaba ba sebelisa marang-rang. A bontša hape hore ba tla tsoelapele ho nolofaletsa sechaba litšebeliso le ho ba atameletsa tsona ba kenyeletsa le boqapi.



O lebohile balefi ba lekhetho ho emela leeto lena kaha ho ba nkile nako ho bona hore ba kenya mokhoa ona tšebetsong. A re ba tla bona hore taba ena e tl'o ba nolofaletsa mosebetsi.

'Matlotliso Tlali ho tsoa RSL o hlalositse hore mokhoa ona o mocha o potlakisa phano ea litšebeliso. A re motho o tla sebelisa litokomane tseo a li sebelisitseng nakong eo a neng a lefa lekhetho la hae.

O re leha motho a sa atleha litabeng tsa ho khutlisetsoa chelete e tla bontša. A re bahoebi ka linako tse ling e ka ba hobane motho a na le mokitlane oa lekhetho le leng kapa a sa sebelisa litokomane tseo a li sebelisitseng nakong eo a neng a lefa. A re chelete eo e ananeloa lefapheng leng le ho latela tsamaiso motho h'a fumane chelete hang-hang.

ba bang ba lekhetho ha ba tsebe ka tšebeliso ena ea marang-rang ka hoo ho arabela tlhoko ea sechaba ba atamela ho





Across

- 1 Ho hloa setha (8)
- 5 Lentsoe le leng le bolelang ho ngabaula. (8)
- 6 Ketso ea ho nka tseo e seng tsa hau, monga tsona a sa tsebe. (7)
- 12 Seqhaqhabola (6)
- 14 Moroho oa naha. (8)
- 15 Thakana ea bashanyana. (8)
- 16 Ho ba khahlanong le 'nete. (7)

- 10 Liphateng (7)
- 11 Nyenyefatso ea pitsa. (7)
- 13 "Sehoete se ke pelo." (Maele). (6)

Down

- 2 Tlhahlobo ea ngaka ea moetlo. (5)
- 3 Seitšireletso sa ntoa sa bahlabani (5)
- 4 Mafura (10)
- 7 Monna oa senatla. (11)
- 8 Moo ho tebang ka nokeng. (6)
- 9 Mofuta oa bashanyana. (9)

THAROLLO MoB 93-4607



TSA KEREKE

Bana thapelong ea Rosari

Tseliso Thakholi

Bana ho hlaha Parishing ea Maria Mofumahali oa Lefatše, Maria 'Mabasotho ka litikoloho tsa eona tse hlano le liparish tse ling kahar'a naha, ba ile ba khobokana ka bongata bo hlollang, litšebelsetso tsa thapelo ea Rosari e Halalelang, tse etsang nalane ka boteng ba bana ba likereke tse ling tseo e seng tsa Kereke e Katholike.

Litšebelsetso tse neng li tsoaretsoe Parishing ea Mazenod ka la 18 Mphalane monongoaha, ho bile le lietsahala tse ngata tse kenyeletsang lithuto tse ileng tsa fanoa ho bana ba banyenyane lilemong, tlhohonolofatso ea lisakramen-

fatšeng o ile a fa Kereke ea hae limpho tse peli tse kho-

lo, e leng Eukariste e Halalelang eo re e amohelang e ba Jesu Kriste o phela ka ho rona le ho fana ka 'ma'e Maria Movirigo hore e be 'm'a rona bohle.

A re limpho tse neng li fuoeng re lokela hore re li rate le ho li boulela, "me let-satsing la kajeno re tli'o tla re bontša lerato la rona ho mpho eo re e fuoeng, e leng moo a re nehileng 'm'e oa hae hore ebe 'm'e oa rona. Re etsa joalo ka hore re rapele Rosari e Halalelang."

A re mantsoe a thapelo ea Rosari e Halalelang a tsoa ho lenyelo Gabriel e leng morumuoa oa Morena Molimo, 'me ha le fihla ho Maria Movirigo la re: "Ahe Maria ea tletseng grasia Morena o na le uena..., 'me eaba o fetisa litaba tsa Morena Mo-

OMI o ile a leboha bohle ba kentseng letsoho ho at-lehisa litšebelsetso tse neng tsa thapelo e Halalelang ea Rosari. Ka ho khetholoha a leboha le bana bohle ba likereke tse ling ba bileng teng ho tla tlotlisa 'm'a rona Maria Movirigo 'moho. "Morena Molimo o tla le hlohonolofatsa le hole hantle, le kene sekolo hantle le pase hantle lithutong tsa lona, e le hore le tle le be le bokamoso bo chabileng. Morena Molimo o utloile lithapelo tsa lona." O boletse joalo.

A qetella ka ho thoholetsa le ho leboha barupeli le batsoali ba bana ka mosebetsi o motle oo ba o etsang oa ho holisetsa bana tšabong le leratong la Morena Molimo, "me le etse hloko hore taba eo ha se ea baprista feela empa le lona le hlokometse hore ke boikara-



tale tse kenyeletsang liro-sari tsa bana le mokoloko oa thapelo ea Rosari e Halalelang oa bana ba seng ba le baholo, o neng o tloha Setsing sa Liboka sa Mao-blata ho leba ka kerekeng. Litšebelsetso tse neng tsa boela tsa tlotlisoa ka boteng ba Mobabatsehi Tlali Gerard Lerotholi OMI.

H'a koala litšebelsetso tse-na tsa thapelo ea Rosari e Halalelang ka Sehlabelo se Halalelang sa 'Missa, Fr. Thato Justice Machesetsa OMI o itse Morena oa rona Jesu Kriste pele a tloha le-

limo." A re ha re rapela Rosari e Halalelang re sebelisa mantsoe a Morena Molimo le Elizabetha ea ileng a re Maria ke 'Ma-Molimo.

A qetella ka ho ipiletsa ho bana ho bontša lerato la bona ho Jesu Kriste ka linako tsohle kaha e le eena ea ba fileng 'm'e oa hae hore ebe oa bona. "Ka linako tsohle le rapele Rosari e Halalelang ka ho sebelisa mantsoe a Morena Molimo ao a ileng a sebelisa ho bua le Maria Movirigo." Ke eena eo.

Fr. Patrick Khali Khoaele

bello ba lona hore bana ba holele tšabong le leratong la Morena Molimo. Molimo a le thuse bohle ho le fa tsohle tseo le li hlohang hore le holise bana bana ba rona hantle. Molimo a le etse hantle kaofela." Ke Fr. Khoaele eo.

Ba bang ba bana ba bileng teng ba lebohile ka tsela e khetheleng bohlophisi ba thapelo ena, 'me ba re ba ikutloa ba le motlotlo haholo ho ba tlasa tšireletso ea 'm'a rona Maria Movirigo ka linako tsohle ka ho lula ba roetse Rosari e Halalelang melaleng ea bona.

2024-2025 SELEMO C

SONTAHA SA 30 HAR'A SELEMO



Siraka 15:17.20-22
Pesalema 33
2 Timothi 4:6-8.16-18
Luka 18:9-14



Khothatso

Sello sa mohloki

Liphuputso li supa ha bophelong thapelo e se ntho eo ho buoang ka eona hangata; 'me motho o qalella ho rape-la h'a fihletse lilemo tse fetang 30. Lithuto tsa kajeno li tšohla taba ea bophelo le thapelo. Thutong ea Pele Siraka o bua le Bajudi ba neng ba hasane ba phela har'a Balichaba. O re thapelo e lokela e hokahane le bophelo ba rona kaha re sitoa ho etsa sena empa re rapela ka tsela eane. Joale hore thapelo ea rona e amohelhe ho Morena Molimo bophelo ba rona bo loke-la ho ba bo lokileng; bo tletseng bohla le makhabane a matle. Siraka o re hlokomelisa hore Molimo h'a na lithatohatsi ha e se mafutsana. Lebaka ke hobane ha ba na mehopolo ea hore ba busa lefatše, ka hona ba tseba ho phethahatsa hantle seo Morena a se hlohang ho rona bohle; e leng ho tsepamisa maikutlo ho se kahare e se se kantle. "Morena o utloa sello sa mohloki." Joaloka-ha sephetoane sa Pesalema ea kajeno se bolela, hape thuto ea Siraka ke motheho oa Evangeli ea kajeno.

Morena Jesu Evangeling o bolela papiso ea Mofarisi le Mokha-fisi e bontšang tsela ea 'nete ea Morena, bobeli bona bo ea se-bakeng seo ho ea ka Evangeli ea Luka se leng bohlokoa: Tem-peleng, ho ea rapela. Mofarisi o na e-tsoa sehlopheng sa batho ba lokileng, ba itšakileng, ba leka ka litsela tsohle ho phela ka molao. U ne u ka rata ho ba moahisane oa Mofarisi kaha ba ne ba phela 'nete, ba hlomphe thepa 'me ba etsa tsohle ka tsela e nepahetseng.

Mofarisi ea hlahang paleng ea Kriste eena o ne a feteletsa lintho ka ho etsa kaholimo ho se lebeletsoeng ho eena. Joale o hopotsa Morena Molimo sehlabelo sa hae 'me o etsa eka Morena o na le mokitlane ho eena. Thapelo ea hae e ne e tletse boikho-homoso 'me a khella batho ba bang tlaase. Hangata le rona ha re etsa botle re ahlola ba bang, re ba nka e se letho. Sechabeng sa rona ho bobebe haholo ho ahlola batho ba etsang libe joaloka ba bolaeang masea a e-s'o hlahe, ba sebelisang lithetefatsi kapa ba nang le kokoana-hloko ea HIV/AIDS; le hoja ho le thata ho amo-hela empa e mong le e mong oa rona o na le bofarisi ka ho eena.

Bakhafisi ka lehlakoreng le leng ba ne ba nyelisoa haholo kaha ba ne ba nkoa e le likebekoa tsa Rome. Empa Mokhafisi ea hlahang papisong ea Kriste, o emella thoko, o lelaletsa mahlo holimo, o ikotla sefuba 'me o bontša teboho thapelong ea hae. O sebelisa mantsoe a Davida nakong eo a neng a kopa tsoarelo ho Morena ka bohloka ba hae ho Bathsheba; "Morena nkhahele 'na moet-salibe."

Ho thata haholo ho itseba hobane se ka ho rona re bohloko, se sekisa meokho ka lebaka lena ho ba bobebe haholo ho shebana le tse kantle. Empa ha u ka inehela 'neteng bohloko boo ha bo na ho ba bohlokoa hakaalo, 'me o tla tseba ho ithahloba khafetsa e le ho lula 'neteng kamehla.

Kajeno ha re kopeng Morena boikokobetso le matla ho fihlela makhabane a kang ho mamela le ho kopa thuso ho ba bohla. Re kope bohla ba ho hlokomela hore leha re kopile borui joalo empa re fuoe bohloki e le hore re tsebe ho ba seli. Ha rea fuoa seo re se kopileng empa re fumane seo re se lakaltseng. Lithapelo tsa rona li arabetsoe 'me sena se re etsa barui ba lithohonolofatso.

Bahalaleli har'a Beke

27	Mphalane	Elesbaan
28	Mphalane	Godwin
29	Mphalane	Bond
30	Mphalane	Arilda
31	Mphalane	Bega
1	Pulungoana	BAHALALELI BOHLE

Tšeliso Thakholi

LUFA e kapile mollo

Sehlopha sa Bolo ea Maoto sa Basali sa LUFA "Rise as One" se bapalang mokhahlelong oa Region V Women's First League se bonahala se kapile mollo habohlolo morao tjena, 'me sena se bonahe-tse kamor'a ho ikhapela habonolo lipapali tsa sona tsa pele tse peli tsa Liki tseo se li bapetseng.

Ka Moqebelo sehlopha sa LUFA se ile sa hobosa le ho tlontlolla sa Rural Stars Ladies kapel'a batšehetsi ba sona, ba neng ba tšile ka tšepo e kholo ea hore ba tšil'o itsamaela bolacha ka ho se rabella ntle ho qenehelo ka phafa ea 7-0.

LUFA e hlile ea qala e etella papali eo pele ka ho hlaba ntlha ea pele e neng e bula letoto lena la lintlha ka leoto la Senate Mampa, 'me metsotso e se mekae khallala ena ea bolo ea maoto ea boela ea ipheta ea hakisa letloha ea eba 2-0. Sehlopha sa baeti sa Rural Stars Ladies ha se utloa bohloko ba phafa, sa leka ho itoanela le ho hlasela ka matla empa Relebohile 'Secret Weapon' Lechela a hlaba ntlha ea boraro. Ha apoloa, ha pesoa ho fihlela li ba li ea khefutsong e ntse le 3-0.



Ha li khutla khafutsong Rural Stars Ladies e ile ea boela ea batoa leqeba le leng hape ha Sekhothali 'Stigga' Kalake a ne a lahlela ntlha ea bone ka letanteng. Rural Stars Ladies e ile ea leka ho thibeletsa hore e se hlajoe lintlha tse ling, empa mokoetlisi oa LUFA Tankiso Selialia o ne a se a hlokometse mefokolo ea sona hore e lumella libapali tsa hae ho

iketsetsa borata. Ke ha 'Mamasole Sekonyela le Boitumelo 'Fire' Pulela ba hlaba lintlha tsa ho qetela ho beha kakaretso ea lintlha ho 7-0, eba papali e felile.

Rural Stars Ladies e khutletse hae Qeme kola li shebile ka mahlong, pelo li lutla mali ke bohloko. LUFA e kene papali ena ea bobeli e se e ntse e tsoile tjaro ea mabonoo ka ho tsurama

maemong a pele lokong ka lintlha kholo tse tšeletseng, ka lipapali tse peli tseo e seng e li bapetse ka makhetha a maholo.

Tiholo ena e ntse e netefatsa mantsoe a ileng a buoa ke mokoetlisi oa sehlopha sa LUFA, Monghali Tankiso Selialia h'a a re e se e le ha ba lutse maemong a pele, h'a sa tla tloha ho fihlela liki e fihla pheletsong

kaha morero o moholo oa hae ke ho sebetsa ka thata ho bona hore isao ba kena Liking e Kholo. Le kajeno o tiisitse hore ha ba cheche ho hang, "ke pele feela!"

Ntle le hore ebe sehlopha sa LUFA se bonahala se qalile liki se sebetsa hantle, barati le batšehetsi ba bolo ea maoto ea basali ba tikoloho ea Thota-Moli, ba ikotla sefuba ka sehlopha sena ka le reng ba na le tšepo e kholo ea hore tsela eo se bapalang ka eona se tla iphumana se le kahare ho lihlopha tsa Liki e Kholo ea Basali isao. "Sena e tla be e le sehlopha sa pele sa bolo ea basali sa tikoloho ea Thota-Moli se tla bapala boemong bo holimo ba Liki e Kholo." Ba rialo ba bile ba se lakaletsa katleho le ho sebetsa ka thata ho feta mona kaha tsela e sa le telele haholo.

Ho sa le joalo, ho tsa Liki e Kholo tse bapetseng li eme tjena: Barea Ladies joaloka LUFA e ile sa hlohlora Mphaki HS Ladies ka thupa ea 7-3, Bokamoso Ladies 4-3 Villa Ladies, Mawes Ladies 2-0 FC Stoko, LDF Ladies 1-0 Lijabatho le Kick-4Life 2-0 LMPS Ladies.

Re hloka ho nyolla likausi-Ramoseli

Tšeliso Thakholi

Sebapali sa mehleng sa sehlopha se kileng sa e-ba matla haholo papaling ea senuka sa Cool Side, Thabo Ramoseli o re ho se atlehe ha sehlopha leotong lena la pele la liki ho se amme haholo, 'me hoo ke sesupo sa hore se lokela ho nyolla likausi e le hore ha selemo sa lipapali se fela se be se le boemong bo khothatsang.

Puisanong le khalala ena ea mehleng ea seng a e-na le lilemo tse hlano a fanyehile lieta papaling ena, o bontšitse hore sehlopha sa habo se ntse se hula ka tlhako tsa morao leotong lena la liki kaha lipapaling tse 'ne tseo li seng li se bapetse ha se e-s'o hlole leha e le papali e le 'ngoe. A re sena ha se'a ba tšoara hantle papisong le selemong se fetileng moo ba neng bapala hantle haholo ho tloha ha ba qala lipapali tsa liki.

Potsong ea hore na sesosa sa mathata a aparetseng sehlopha ke sefe? O ile a re lipheto ho tsa tsamaiso ntlheng ea ngoliso ea libapali tse nang le boiphihlelo papaling ena ke ea tse ling tsa sesosa. A re se seng ho ea ka moo a bonang litaba ka teng ke tlhokaha ea libapali tse nang le litsebo tse phethahetseng tsa papali ena. A re boholo ba libapali

tsa bona tse hloahloa li tsa maile ho ea bapalla lihlopha tse ling, tlasa mabaka a bona a itseng ao ba ke keng ba thiba sebapali ha se batla ho ea bapalla sehlopha se seng se itseng.

A supa hore ha motho a shebelletse sehlopha sena ha se bapala, se bonahala moea oa papali o theohile haholo kaha ba se ba se na tšepo ea hore ba tla khutle-

la maemong a bona a pele moo ba neng ba bapala papali e tsoileng matsoho. A boela a supa hore ho tloha ha libapali tse ling tse matla ho leba lihlopheng tse ling ke se seng sa sesosa se etsang hore ebe ba maemong a ho qetela lokong kaha sehlopha se qalile ka tse ling tsa libapali tse ncha.

Ramoseli h'a qetella o hlalositse hore libapali li

lokela hore li be le boitšepo e le hore li tle li nyolle papali ea tsona, ba tle ba mpe ba tsebe ho tiea mangole le ho khothala e le hore ha ba ea mokhahlelong oa bobeli ba be ba balehile maemong ana a kotsi a ho qetela. "Papaling ea senuka mona ha sehlopha se se le bokhubelung se tlokotsing e kholo ea hore ha lipapali li fihla pheletsong se iphumane se theohetse mokhahlelong o ka tlase oa Second Division." Ke eena eo.



E ntlafatsa maemo

Tšeliso Thakholi

Ho sa khathallehe ho hlohela ha Sehlopha sa Naha sa Likuena ho phunyeletsa ho ea lipapaling tsa Mohope oa Lefatše tse tlang ho tšoaroa isao, Likuena e entse mohlolo o moholo oa ho nyoloha ka likhato tse robong lethathamong la Mokhatlo oa Bolo oa Lefatše(FIFA) le tsoileng ka la 17 Mphalane 2025.

Ho latela lethathamona, Naha ea Lesotho e hlaha boemong ba bo-144, e tlohile boemong boo e neng e le ho bona pele ba bo-153. Athe linaheng tse 54 tse bapalang bolo ea maoto Afrika, e nyolohile ka likhato tse peli feela kaha e boemong ba bo-43, ha e ne e le boemong ba bo-45 pele. Lesotho le ka holimo ho Eswatini e boemong ba bo-159.

Haele Afrika Boroa leha e theohile ka likhato tse 'ne, e boemong ba bo-59, 'me e feta Lesotho ka likhato tse 85. Se baketseng Naha ea Afrika Boroa maemo ana a sithabetsang ke kahlolo eo e ileng ea e fumana kamor'a ho bapalisa sebakali se neng se sa lokele ho bapala khahlanong le Lesotho, e leng Teboho Mokoena ea neng a e-na le likarete tse peli tse tšehla.

Lethathamona lena la FIFA le boetse le bontša hore Naha ea Lesotho e har'a linaha tsa lefatše tse 58 tse ntlafaltseng maemo a tsona haholo, 'me leha e sa sebetse hantle ho late-la lethathamona lena ho bonahala Lesotho le ntse le ntlafala papaling ea bolo ea maoto. Ho boetse ho na le linaha tse 35 tsa Afrika tse thehileng haholo maemong a tsona. Linaha tsena li kenyeletsa har'a tse ling Cameroon e thehileng ka linoko tse peli, Namibia ka tse supileng, Zimbabwe eo Lesotho le sa tsoa e sasara ka makhetlo a mabeli lipapaling tsa ho phunyeletsa ho ea Mohopeng oa Lefatše e theohile ka tse 'ne le Malawi ka tse peli.

Leha ho le joalo, tšepo e kholo ea Basotho ke hore Lesotho ha le ka bapala hantle selemong se tlang lipapaling tsa AFCON, mohlomong le tla boela le matlafatsa maemo a lona



lethathamong la FIFA. Lena e tlabe e le lekhetlo la pele moo Naha ea Lesotho e tla beng e bapala mokhahlelong oa lihlopha e sa qale ho lipapali tsa mathomo, tse tlang ho tseka ho fetela ho mekhahlelo ea lihlopha.

Haele naha e ntseng e li hula pele lefatše ka bophara ke Spain, bobeling ke Argentina, borarong ke France, maemong a bone ke England. Brazil e makalitse barati ba bolo ba bangata kaha e bonahala e ntse e theoha let-satsi ka leng. Hajoale e theohile ka senoko se le seng e boemong ba bosupa. E be ho etsahalang ka Brazil? Che! Ha re tsebe! Athe naha e li hulang pele Afrika ke Morocco, bobeling ke Senegal, borarong ke Egypt ha boneng e le Algeria. Boemong ba bo-53 ke Seychelles 'me naha e bonahalang e ntše e nyoloha butle-butle feela ka matla a maholo ke Djibouti kaha e boemong ba bo-51.

Happy Priest e iphetela mohoalotso

Staff

Mohlophisi oa papali ea setsoale ebileng teng lipakeng tsa sehlopha sa baprista Happy Priest FC le sa Maseru Rural LMPS FC, Fr. Patrick Khali Khoale OMI, o itse morero le sepheo tsa papali eo e ne e le khoehletso, memo le ho theha setsoale joalokaha e le basebetsi 'moho, ba sebeletsa sechaba sa Morena Molimo. Tsena li etsahetse Lebaleng la Malakabe, Mazenod ka la 22 Mphalane monongoaha.

A tsoelapele a bonts'a hore le bona e le baprista ke batho ba hloka tlhabollo, 'me ho bapala ke karolo e 'ngoe ea bohlokoa bophelong ba motho; hobane ho koetla ke tsela ea hore 'mele o phele



hantle. A re boikoetliso bohlokoa hobane bo etsa motho ea phetseng hantle 'meleng esitana le kelellong e le hore kelello e tsebe ho nahana hantle motho a nke liqeto tse napahetseng.

A bonts'a a thabile haele mona ho se na libapali tse tsoileng likotsi kapa ho lemala kapa hona ho koata, hobane joale e se le tse meja tse masapo a thata.

“Leeto le ka itaola la ea mothong leha e ne e se morero o joalo hoo motho a ka iphumanang a se a robile e mong, haholo hobane papali ea bolo ea maoto ke papali eo re ka thulang, ra qetella re nts'ane likotsi.” Ke eena eo.

Haele ACP Motsamai Kholumo Motlatsi oa Mookameli oa Sepolesa se ka thoko ho toropo Maseru

Rural, o lebohile haholo ka papali ena ea bona. A re e bile kholo ka ho fetisisa ho tsohle tseo a ileng a li bapala kapa hona ho li shebella. “Papali ea baprista le mapolesa ke nalane.” A tsoelapele joalo. A re setsoalle sena o batla hore ebe sa moshoelella. O itse na ke ho kae moo motho a ileng a moprista a bapala bolo ka kerekeng, kapa lona lepolesa la sephethephethe le bapalla bolo ka tseleng? A re hona ke taba e tlamehang ho ngolola fats'e. A phethela ka ho khothaletsa bonngoe bona boo a bo boneng, lerato le ts'ebeliso 'moho joalokaha e le balisa ba meea ea sechaba joale bona ba thibela litlolo tsa molao.

Sehlopha sa Kopano ea Maoblata Happy Priest FC se mamotse sa Maseru Rural LMPS FC ka lintlha tse peli ho e le 'ngoe. Ebile papali e kholo haholo ebile e le monate.

